

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), člana 25. i člana 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona”, broj: 21/23), na prijedlog Ministarstva unutrašnjih poslova, Vlada Zeničko-dobojskog kantona, na 15. sjednici, održanoj dana 02.02.2024. godine, d o n o s i

ODLUKU

o usvajanju Programa utroška sredstava pod nazivom „Program kapitalnih ulaganja Ministarstva unutrašnjih poslova Zeničko-dobojskog kantona za 2024. godinu za pozicije Nabavka opreme i Rekonstrukcije i investiciono održavanje“ - budžetska sredstva Izvor 10

Član 1.

(Predmet)

Usvaja se Program utroška sredstava pod nazivom „Program kapitalnih ulaganja Ministarstva unutrašnjih poslova Zeničko-dobojskog kantona za 2024. godinu“, sa razdjela 15, budžetska organizacija 01, potrošačka jedinica 0001, ekonomski kod 821 300, pozicija „Nabavka opreme“ i ekonomski kod 821 600 pozicija „Rekonstrukcije i investiciono održavanje“ u iznosu od 450.000,00 KM (slovima: četiristotinepedesethiljada konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva iz člana 1. ove odluke realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija Zeničko-dobojskog kantona, osim u izuzetnim slučajevima odobrenim posebnim aktima Vlade Kantona.

Član 3.

(Realizacija odluke)

Za realizaciju ove odluke zadužuje se Ministarstvo unutrašnjih poslova i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Nezir Pivić

Broj: 02-11-2247/24

Datum, 02.02.2024. godine

Z e n i c a

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava pod nazivom „Program kapitalnih ulaganja Ministarstva unutrašnjih poslova Zeničko-dobojskog kantona za 2024. godinu za pozicije Nabavka opreme i Rekonstrukcije i investiciono održavanje“ - budžetska sredstva Izvor 10

Član 1.

(Predmet)

Naziv programa: "Program kapitalnih ulaganja Ministarstva unutrašnjih poslova Zeničko-dobojskog kantona za 2024. godinu za pozicije Nabavka opreme i Rekonstrukcije i investiciono održavanje"-budžetska sredstva Izvor 10.

Svrha programa: Nabavka opreme i rekonstrukcije i investiciono održavanje radi unapređenja rada svih organizacionih jedinica Ministarstva unutrašnjih poslova (računara i druge informatičke opreme, štampača, uređaja za potpis, akviziciju, snimanje, barcode čitača, kancelarijskog namještaja, agregata, opreme za telefonsku centralu, klima uređaja i drugo, rekonstrukcija krovova, oluka i potkova te unutrašnje i vanjske stolarije u organizacionim jedinicama, rekonstrukcija pritvorskih prostorija, mokrih čvorova, vodovodnih instalacija, sistema grijanja i prostorija u organizacionim jedinicama, sanacija elektroinstalacija, gletovanje i krečenje hodnika i kancelarija u organizacionim jedinicama i drugo).

Visina sredstava: 450.000,00 KM.

Izvori finansiranja: Budžet Zeničko-dobojskog kantona za 2024. godinu.

Kriterij utroška sredstava: Kriteriji će biti utvrđeni u skladu sa Zakonom o javnim nabavkama (Službeni glasnik BiH, broj: 39/14 i 59/22), usvojenim planom javnih nabavki Ministarstva unutrašnjih poslova Zeničko-dobojskog kantona za 2024. godinu i pozitivnim zakonskim propisima, a kako je prikazano po poziciji u programu (član 2.).

Kategorija korisnika sredstava: Korisnik sredstava je Ministarstvo unutrašnjih poslova Zeničko-dobojskog kantona.

Način izvještavanja: Ministarstvo unutrašnjih poslova Zeničko-dobojskog kantona dostavlja Izvještaj o utrošku sredstava.

Rokovi izvještavanja: O utrošku sredstava po ovom Programu, Ministarstvo unutrašnjih poslova Zeničko-dobojskog kantona polugodišnje izvještava Vladu Kantona.

Član 2.

(Naziv pozicije)

Pojedinačna nabavka opreme i rekonstrukcije i investiciono održavanje iz člana 1. ovog Programa će se vršiti prema nazivu pozicije "Nabavka opreme" i "Rekonstrukcije i investiciono održavanje", u okviru planiranih sredstava, kako je navedeno u tabeli:

NAZIV POZICIJE	PLANIRANA SREDSTVA
I NABAVKA OPREME	
-oprema za telefonsku centralu	120.000,00 KM
-računarska i druga informatička oprema	39.745,00 KM
-printeri, štampači	25.506,22 KM
-namještaj	45.000,00 KM
-uređaji za potpis, akviziciju i snimanje, barcode čitači, fotoaparati druga oprema	12.198,78 KM
-agregati za alternativno napajanje električnom energijom	90.000,00 KM
-klima uređaji i drugi električni aparati	17.550,00 KM
U K U P N O I:	350.000,00 KM
II REKONSTRUKCIJE I INVESTICIONO ODRŽAVANJE:	
-rekonstrukcija krova, oluka i potkova u org.jedinicama	10.000,00 KM
-zamjena unutrašnje i vanjske stolarije u org.jedinicama	20.000,00 KM
-rekonstrukcija elektroinstalacija u org. jedinicama	15.000,00 KM
-gletovanje i krečenje hodnika i kancelarija u org. jedinicama	10.000,00 KM
-rekonstrukcija mokrih čvorova u org. jedinicama	20.000,00 KM
-rekonstrukcija prostorija u org. jedinicama	22.000,00 KM
-rekonstrukcija pritvorskih prostorija u org.jedinicama	3.000,00 KM
U K U P N O II:	100.000,00 KM
U K U P N O I + II:	450.000,00 KM

Član 3. (Izvor sredstava)

Sredstva iz člana 1. ovog Programa isplatit će se iz Budžeta Zeničko-dobojskog kantona za 2024. godinu ("Službene novine Zeničko-dobojskog kantona, broj: 21/23), razdjel 15, budžetska organizacija 01, potrošačka jedinica 0001, ekonomski kod 821 300 pozicija "Nabavka opreme", ekonomski kod 821 600 pozicija "Rekonstrukcije i investiciono održavanje" i dijelom sredstava primljenih tekućih transfera Vlade Federacije Bosne i Hercegovine (potpore iz Budžeta Federacije Bosne i Hercegovine), u skladu sa Odlukom koju donosi Vlada Zeničko-dobojskog kantona o visini i namjeni utroška sredstava.

Član 4. (Realizacija)

Za realizaciju ovog Programa zadužuje se Ministarstvo unutrašnjih poslova Zeničko-dobojskog kantona i Ministarstvo finansija Zeničko-dobojskog kantona, svako u okviru svojih nadležnosti, a sve u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija Zeničko-dobojskog kantona.

PREMIJER

Broj: 02-11-2247/24

Datum, 02.02.2024. godine

Z e n i c a

Nezir Pivić

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x „Službene novine Zeničko-dobojskog kantona“,

1x a/a.